

BAB V

KESIMPULAN DAN SARANAN

A. Kesimpulan

1. Dapatlah disimpulkan bahawa PAS telah ditubuhkan sejak tahun 1950-an lagi sebelum Malaysia mencapai kemerdekaan. Bermula Dari HAMIM sehinggalah Parti Islam Se-Malaya, roh perjuangannya berkembang di kalangan masyarakat Islam Malaysia. Dalam proses perjuangannya PAS telah mengalami proses jatuh bangun dan pernah bekerjasama di dalam pembentukan BN pada tahun 1974. Namun begitu kerjasama ini tidak berusia lama akibatnya kerajaan Kelantan yang mengakibatkan tercetusnya darurat.
2. Dalam proses perkembangannya, PAS telah mengalami perubahan pola kepimpinannya. Akibatnya dari kepimpinan Islam dan kemunculan tokoh ulama, kepimpinan PAS telah jatuh ke tangan ulama menolak faham nasionalisme Melayu yang dianggap bertentangan dengan ajaran Islam. Golongan ini memperjuangkan Islam sebagai agama universal

yang meliputi seluruh aspek kehidupan semua bangsa dan tidak terhad kepada bangsa Melayu sahaja.

3. Manakala penubuhan PAS pula mempunyai prinsip dan tujuan tertentu. Motif utamanya ialah meletakkan Al-Quran dan Al-Hadith di tempat yang tertinggi dan sumber rujukan utama. Ini bermakna selama ini Kepimpinan Malaysia meletakkan sumber rujukan tertinggi kepada isme-isme lain hasil ciptaan manusia. Dalam konteks ini PAS berjuangan untuk menubuhkan sebuah negara Islam yang bermodelkan negara Islam Madinah. Bagi PAS tanggungjawab ini adalah wajib kerana telah dijelaskan oleh nas-nas Al-Quran dan Al-Hadits yang membatalkan undang-undang ciptaan manusia.
4. Dapat juga dirumuskan bahawa pengasasan dan perjuangan PAS Pahang bermula di Daerah Temerloh. Dalam perkembangannya, PAS Pahang masih memerlukan lebih ramai tenaga muda dan berpendidikan bagi memperkembangkan lagi fikrah Islam di kalangan masyarakat.
5. PAS Jerantut telah diasaskan di Kampung Tebing Tinggi oleh beberapa orang tokoh setempat seperti Hussein PAS, Haji Abdul Moin, Tok Empat Wahab dan lain-lain.

6. Bermula dari sebuah organisasi kecil, PAS Jerantut telah berkembang ke beberapa cawangan. Jumlah ahli semakin bertambah dari masa ke semasa. PAS Jerantut telah didaftarkan secara resminya dengan pihak Pendaftar Pertubuhan pada tahun 1988 dengan nombor pendaftaran : PPM/PHG/26/52-2688 ; PPP/PHG/26/52-152.
7. Dalam perkembangannya, walaupun tidak secara menyeluruh, PAS Jerantut telah berhasil mengubah situasi masyarakat setempat baik dari segi pemimpinnya mahupun masyarakat awam yang ada di sekelilingnya. Pemikiran masyarakat terhadap perjuangan untuk menegakkan Islam semakin dirasai sehingga akhirnya pada Pilihanraya Umum 1999, PAS Jerantut telah memenangi salah satu dari tiga DUN iaitu DUN Tahan oleh wakilnya Y.B Abdul malik bin Yusof.
8. Jika dilihat dari sudut undi pula, perbezaan yang diperolehi calon PAS dari dua DUN lain iaitu DUN Damak dan DUN Pulau Tawar dalam pilihanraya yang sama dengan calon BN yang menang hanyalah sedikit sahaja. Ini membayangkan bahawa sokongan masyarakat setempat semakin bertambah dari masa ke semasa.
9. Di dalam aspek dakwah pula, PAS Jerantut telah berusaha menanamkan akidah umat Islam supaya umat Islam mempunyai

komitmen dengan ajaran Islam. Ekoran daripada usaha-usaha gigih PAS Jerantut, telah ramai di kalangan masyarakat setempat terutama anak-anak muda yang kelihatan lebih cenderung di dalam bidang keagamaan di samping kesedaran bahawa Islam adalah agama yang meliputi keseluruhan aspek kehidupan. Akibatnya mereka mulai berminat untuk bercakap mengenai negara Islam dan pemerintahan Islam. Mereka juga menunjukkan sikap tidak suka kepada sistem pemerintahan yang ada sekarang yang lebih menekankan pemikiran bercorak sekular. Ramai pula di kalangan ibubapa yang berebut-rebut menghantar anak-anak mereka ke sekolah-sekolah agama setempat bagi memastikan pendidikan keagamaan dalam jiwa anak-anak tersebut tidak terabai.

10. Berpunca daripada kekalahan demi kekalahan yang dialami di dalam senario Pilihanraya Umum, PAS Jerantut telah menyemak kembali strategi perjuangannya di samping meneruskan gerakan yang telah dilaksanakan selama ini yang difikirkan perlu.
11. Dapat dilihat juga bahawa hubungan di antara PAS dan UMNO Jerantut adalah tegang ekoran dari perbezaan-perbezaan pendapat dan beberapa isu yang wujud di antara keduanya. Ketegangan ini ditambah lagi dengan taktik-taktik UMNO di dalam usaha mereka

menyekat pengaruh PAS dan seterusnya menggagalkan usaha PAS untuk cuba menguasai Jerantut.

12. Selain dari perkembangan yang menggalakkan, PAS Jerantut juga tidak lari dari menghadapi beberapa masalah. Penyusunan dan penstrukturran semula kawasan mengundi, tekanan terhadap ahli, politik wang, ancaman dan ugutan merupakan perkara yang biasa dialami terutama menjelang waktu Pilihanraya Umum diadakan. Namun demikian, PAS Jerantut telah dapat mengatasi masalah ini.

B. Saranan

1. Melalui penulisan ini, penulis ingin mengemukakan beberapa saranan terutamanya kepada PAS Peringkat Negeri Pahang dan Peringkat Kawasan Jerantut. Disamping itu, saranan juga ingin diberikan kepada pihak kerajaan ke arah menegakkan sebuah negara Islam di Malaysia.
2. Kepimpinan Ulama hendaklah dikekalkan di dalam PAS disamping menggabungkan mereka dengan tenaga-tenaga profesional dan pakar dari kalangan mereka yang berpendidikan sekular supaya bersama-sama dapat membangunkan PAS ke arah satu matlamat yang sama iaitu untuk memperolehi keredhaan Allah SWT. Pembangunan

tersebut termasuklah dalam bidang sosial ekonomi, pendidikan, hubungan antarabangsa dan pembentukan sosial budaya masyarakat.

3. Demi keteguhan jamaah jangka panjang, PAS harus lebih menekankan masalah tarbiyah pimpinan dan ahli secara berkekalan dan bukan pada musim pilihanraya sahaja. Ini kerana pimpinan akan menjadi ikutan dan teladan kepada pengikut. Segala apa yang dilakukan oleh pimpinan akan dinilai dan perhatikan oleh pengikut dan penyokong.
4. Kedua-dua kerajaan PAS iaitu Terengganu dan Kelantan perlulah disokong dan menjadi contoh kepada PAS Pahang. Kemenangan dan kesinambungan kepimpinan tersebut membuktikan bahawa Islam boleh memerintah dan PAS Pahang boleh mencapai kemenangan di semua daerah di negeri tersebut.
5. Pilihanraya merupakan satu medan dakwah yang terbaik bagi pihak PAS. Para pimpinan hendaklah merangka satu strategi yang jitu dan berkesan supaya metod dakwah terhadap masyarakat moden ini diperbaharui terutama kepada masyarakat bukan Islam yang kebelakangan ini boleh mempengaruhi kedudukan undi bagi sesebuah DUN/tempat.

6. Lujnah Tarbiyah dan Kepimpinan disarankan agar dapat menyediakan satu modul/sistem pendidikan formal Islam yang lengkap, terperinci dan tersusun dengan menekankan jangkamasa sesuatu objektif itu dapat tercapai. Ini meliputi peringkat kanak-kanak dan remaja. Ahli-ahli PAS digalakkan membuka pusat-pusat atau sekolah pendidikan Islam seperti Taman Asuhan Kanak-Kanak Islam (TASKI) sebagai satu langkah membina generasi Islam dari peringkat awal. TASKI tersebut perlu menyediakan satu sukanan pelajaran yang lengkap dan bersepada serta tenaga pengajar yang profesional supaya semua objektif tadi berjaya diaplikasikan dalam kehidupan mereka.
7. Lujnak Ekonomi dan Pembangunan PAS hendaklah mempastikan ahli-ahlinya terlibat dalam pembangunan ekonomi sama ada untuk diri sendiri ataupun umum. Skim galakan perlu disediakan agar pengelibatan ahli akan lebih serius. Secara tidak langsung ianya juga juga boleh memberikan sunbangan kewangan kepada parti.
8. Kepimpinan PAS juga perlu mendahului suara mereka dalam isu-isu nasional dan antarabangsa khususnya majlis-majlis mesyuarat setempat bagi membuktikan bahawa mereka benar-benar perihatin dan faham tentang masalah sejagat. Ini juga dapat membuktikan bahawa kepimpinan PAS bukanlah dianggap hanya sebagai "orang masjid" yang tidak mehu ambil tahu tentang dunia luar.

9. Ahli-ahli dan penyokong PAS perlu mempunyai komitmen yang tinggi kepada jamaah dan mestilah sentiasa patuh kepada sebarang arahan pimpinan. Mereka perlu melaksanakan amanah sebagai ahli jamaah Islam dengan sebaiknya.
10. Ahli-ahli juga perlu mempunyai kesadaran untuk berkorban kepada jamaah dan bercita-cita untuk memajukan diri demi islam. Hal ini perlu dipertingkat dalam usaha menambah bilangan ahli yang berkualiti.
11. Kerajaan perlu menunjukkan sikap realistik dan tidak berat sebelah terhadap ADUN PAS yang menang dalam pilihanraya yang diadakan. Peruntukan yang sama rata terhadap kawasan DUN perlu diberikan dengan adil tanpa mengira itu kawasan PAS atau sebaliknya. Hal ini perlu bagi mengekalkan kepercayaan rakyat terhadap sistem demokrasi yang dilaung-laungkan oleh pihak kerajaan yang memerintah selama ini.
12. Kerajaan juga perlu mengurangkan tekanan-tekanan kepada perjuangan Islam. Sebaliknya, kerajaan perlu bersama-sama berjuang untuk menegakkan Islam demi keamanan, keharmonian rakyat Malaysia serta umat dunia keseluruhannya.